

REYNIR PORLEIFSSON  
Eldar oftast ýsu  
fyrir erlenda gesti

• matur  
ALLT Í MIÐJU BLAÐSINS



ELEKTRA  
Erum ólíkar  
en filum hver aðra

FÖSTUDAGUR  
FYLGIR FRÉTTABLAÐINU Í DAG



LILJA PÁLMAÐÓTTIR  
Hof tilnefnt til virtra  
arkitektúrverðlauna

Húsið vekur athygli ferðamanna  
FÓLK 34



# FRÉTTABLAÐIÐ

FRÍTT

13. febrúar 2009 – 39. tölublað – 9. árgangur

MEST LESNA DAGBLAÐ Á ÍSLANDI

Sími: 512 5000

## FÖSTUDAGUR

### Eykur samheldni



Menningarhátíð eldri borgara í Breiðholti er nú í fullum gangi. Heiðursgestir þetta árið eru Vestmannaeyingar.

TÍMAMÓT 20

### Óvænt kynning

Tónlist Jóhanns Friðgeirs Jóhannssonar spiluð á súpuveitingahúsum í Japan.

FÓLK 28



### Grænlenst reggi til Íslands

Liima Inui verður lokaatriði Vetrarhátíðar í Reykjavík á laugardagskvöld.

MENNING 27


### Örvhentur Guðjón Valur



Hinn efnilegi Finnur Ingi Stefánsson er sagður vera örvhent útgáfa af Guðjóni Val Sigurðssyni.

ÍPRÓTTIR 30

### VEÐRIÐ Í DAG



**FROSTLAUST** Í dag verða suðaustan 5-13 m/s, hvassast sunnan til og vestan. Rigning eða skúrir en hætt við eljum norðan- og austanlands. Hiti 0-8 stig, mildast syðst.

VEÐUR 4



**KÓLABIRNINUM SAM BORGID** Unnið er að björgun dýra úr skógareldunum miklu sem geisa í suðausturluta Ástralíu. Meðal annarra dýrategunda sem eru í hættu eru pokarottur og eðlur. Talið er næsta víst að brennuvargar hafi kveikt eldana og forsætisráðherra landsins segir að þeir hafi framið fjöldamorð, enda hafa 166 manns látið lífið í eldunum. Í gær blossuðu upp eldar að nýju á sumum stöðum, eftir nokkuð rólega nótt þar á undan. Rok og mikill hiti torvelða slökkvistarfið.

NORDICPHOTOS/AP

## Aðgerðasinnar ekki í ofbeldi

Beinar mótmælaaðgerðir eru sagðar komnar til að vera og að þær megi rekja til Kárahnjúkavirkjunar. Félagar í Saving Iceland kasti ekki grjóti í lögreglu.

**MÓTMÆLI** Ný tegund mótmæla, sem einkennist af beinum aðgerðum, er komin til að vera, segir Gísli Jökull Gíslason, lögreglumaður og ritstjóri Lögregluþingins. Þau eigi rætur að rekja til þess þegar Kárahnjúkavirkjun var mótmælt árið 2005 og síðar.

„Þá fengum við hóp sem ætlaði gagnert að stöðva framkvæmdir með beinum aðgerðum, þar sem eindreginn vilji kom fram til að hafa áhrif á gang mála,“ segir hann og stillir þessu upp á móti hefðbundnari mótmælum á Íslandi, svo sem mótmælastöðu við sendiráð.

Gísli Jökull vísar hér til þess þegar hópur erlendra náttúruverndarsinna kom til landsins til að mótmæla framkvæmdum við Kárahnjúkavirkjun. Þessi hópur „atvinnu mótmælenda“ blandaðist íslenskum mótmælendum. Á hverju ári hittist fólk svo í aðgerðabúðum að sumri til og Gísli segir að í hvert skipti hafi hlutfall Íslendinga í hópnum aukist jafnt og þétt.

„Íslenski Saving Iceland-hópurinn varð síðan mjög áberandi í fyrstu mótmælum Radda fólks-

ins á Austurvelli í október. Þessi hópur var ekki kominn til að hlusta á ræðurnar heldur fór að Alþingishúsinu og sýndi vanþóknun sína með einhverjum hætti,“ segir Gísli.

Aðgerðasinnar vilji vissulega láta hafa mikið fyrir sér, en þeir séu ekki þekktir fyrir að skemma og eyðileggja. „Það voru fíklar og þekktir ofbeldismenn sem köstuðu grjótinu. Þegar mótmælendurnir voru okkur lögreglumenn við Stjórnarráðið [22. janúar] og stöðvuðu grjótkastið, sá ég að sá sem stóð mér næst [meðal verjenda] var þekkt andlit úr Saving Iceland,“ segir hann.

Íslenskt ofbeldi gegn lögreglu í mótmælum sé svipað og í löndunum í kring: „Það er stundað af auðnuleysingum sem fara þangað þar sem er slagur, gagnert til að skemma og meiða,“ segir Gísli.

Sturla Böðvarsson, fyrrum forseti Alþingis, sagði nýlega á þingi að mikil umskipti hefðu orðið í íslenskum stjórnámálum og vísaði til mótmæla við þinghúsið. Sagðist Sturla vona að þau boðuðu ekki nýja síði í stjórnámálum. Þá væri voðinn vís.

- kóþ

Menntun seðlabankastjóra víða um heiminn:

## Nær allir hagfræðingar

**VÍÐSKIPTI** Af 38 seðlabankastjórum víða um heim eru bara tveir sem ekki eru með framhaldsmenntun í hagfræði. Það er í Lúxemborg og Frakklandi. Hvorugur bankinn er með sjálfstæða peningastefnu því báðir heyra undir Seðlabanka Evrópu.

Jean-Claude Trichet, bankastjóri Seðlabanka Evrópu, er með

meistarapróf í hagfræði. Hér er Ingimundur Friðriksson með meistarapróf í þjóðhagfræði, Eiríkur Guðnason með próf í viðskiptafræði og Davíð Oddsson í lögfræði. Frumvarp til nýrra laga um Seðlabankann gerir ráð fyrir að krafist verði framhaldsmenntunar í hagfræði í embætti seðlabankastjóra.

- óká / sjá síðu 16

Óeining eða ákvörðunarfælni segir oddviti minnihlutans í borgarstjórn:

## Tónlistarhúsið enn í biðstöðu

**FRAMKVÆMDIR** Ekki fékkst niðurstaða í borgarráði í gær um hvort og þá hvenær framkvæmdir við Tónlistarhúsið hefjast að nýju. Búist hafði verið við að málið yrði útkljáð á fundinum.

Júlíus Vífil Ingvarsson, borgarfulltrúi Sjálfstæðisflokksins, segir líklega boðað til aukafundar í næstu viku.

„Maður spyr sig hvort óeining í meirihlutanum eða ákvörðunarfælni valdi því að þetta dregst,“ segir Dagur B. Eggertsson, borgarfulltrúi Samfylkingar. „Látið var í veðri vaka að tófin væri vegna ástandsins í landspólítíkinni og því nokkuð undarlegt að meirihlutinn sé ekki tilbúinn þegar ríkisstjórnin klárar málið

af sinni hálfu.“ Ríkisstjórnin afgreiddi málið síðasta þriðjudag. Ekki náðist í Hönnu Birnu Kristjánsdóttur borgarstjóra í gærkvöld þrátt fyrir ítrekaðar tilraunir.

Framkvæmdir við Tónlistarhúsið eru því enn í biðstöðu en hundruð manna unnu við húsbýgginguna þegar framkvæmdum var hætt fyrir áramót.

- jse, pbb

Opið allan sólarhringinn á ...

**SUBWAY**

N1 Ártúnshöfða  
N1 Hringbraut



Sumarbæklingur  
Heimsferða  
er kominn út

www.heimsferdir.is

Allt sem þú þarft...



Meðallestur á tölublað m.v. höfuðborgarsvæðið  
18-49 ára. Könnun Capacent í nóvember 2008 - janúar 2009.